

**KANTONALNO TUŽILAŠTVO
TUZLANSKOG KANTONA
TUZLA**

**INFORMACIJA O PROVOĐENJU KRIVIČNOG ZAKONA U KANTONU
I RADU TUŽILAŠTVA - IZVJEŠTAJ O
STANJU KRIMINALA U TUZLANSKOM KANTONU I TOKOVIMA
KRIMINALA ZA PERIOD 01.01.-31.12.2008 GODINE**

Tuzla , Februar 2009 godine

UVODNE NAPOMENE

Odlukom Visokog sudskog i tužilačkog vijeća Federacije Bosne i Hercegovine od 08.10.2003 uspostavljeno je Kantonalno tužilaštvo Tuzlanskog kantona Tuzla i imenovani tužioci

Kantonalno tužilaštvo Tuzlanskog kantona Tuzla otpočelo je sa radom 10.11.2003 godine.

Na osnovu člana 10 Zakona o Kantonalnom tužilaštvu Tuzlanskog kantona Kantonalno tužilaštvo obavještava Skupštinu Tuzlanskog kantona o svom radu i primjeni Zakona Federacije Bosne i Hercegovine i Zakona Kantona, a na osnovu člana 28 istog Zakona obavještava o statističkom pregledu svojih aktivnosti Skupštinu Tuzlanskog kantona i Federalno tužilaštvo Federacije Bosne i Hercegovine.

Ovom informacijom se Federalno tužilaštvo FBiH i Skupština Tuzlanskog kantona obavještava o :

- položaju, organizaciji i kadrovsko-materijalnoj osposobljenosti Kantonalnog tužilaštva Tuzlanskog kantona Tuzla ,
- primjeni Zakona Federacije Bosne i Hercegovine i Kantona
- stanje kriminaliteta na području Tuzlanskog kantona ,
- prijedlozima mjera i aktivnosti u cilju stvaranja pretpostavki i uslova za efikasnije vršenje tužilačke funkcije u Kantonalnom tužilaštvu Tuzlanskog kantona.

POLOŽAJ, ORGANIZACIJA I KADROVSKO-MATERIJALNA OSPOSOBLJENOST KANTONALNOG TUŽILAŠTVA TUZLANSKOG KANTONA TUZLA

1.1. Položaj Kantonalnog tužilaštva Tuzlanskog kantona Tuzla

Uloga i položaj Kantonalnog tužilaštva Tuzlanskog kantona Tuzla definisana je Zakonom o Kantonalnom tužilaštvu Tuzlanskog kantona prema kojem je Tužilaštvo samostalno državno tijelo koje u okviru prava Tuzlanskog kantona poduzima zakonom određene mjere u pogledu istražnih radnji i gonjenja osoba za koje se sumnja da su počinile krivična djela i privredne presteupe, te vrši druge poslove određene federalnim i kantonalnim zakonima .

Ovakva uloga i položaj tužilaštva je rezultat sveobuhvatnih reformi cjelokupnog pravosudnog sistema u Bosni i Hercegovini i Fedraciji BiH, koje su još u toku i koje su rezultirale donošenjem novog Krivičnog zakona FBiH i Zakona o krivičnom postupku (u daljem tekstu KZ FBiH i ZKP FBiH).

Zakonom o krivičnom postupku Federacije Bosne i Hercegovine koji je stupio na snagu 01.08.2003 godine tužioci u tužilaštvima Federacije BiH su dobili zadatak da otkrivaju i pronalaze počiniocce krivičnih dijela ,otkrivaju i pronalaze dokaze u istražnom postupku, što značajno mijenja položaj tužioca u odnosu na ranije zakonsko rješenje kada je tužilac imao ovlašćenja samo za gonjenje počinilaca krivičnih djela pred sudom (podizanje i zastupanje

optužnice pred sudom). Ovakvo zakonsko rješenje o položaju i ulozi tužioca u krivičnom postupku posljedica je i rezultat ukupnih tranzicijskih promjena u društvu i neophodnost njihovog usklađivanja sa nastalim promjenama, prvenstveno u tipu vlasništva, prelasku na tržišne uslove privređivanja, te u skladu sa zahtjevom građana i društva u cjelini .

1.2 Organizaciona struktura i sastav Kantonalnog tužilaštva Tuzlanskog kantona

Organizaciona struktura Kantonalnog tužilaštva Tuzlanskog kantona propisana je Zakonom o Kantonalnom tužilaštvu Tuzlanskog kantona ,a pobliže definisana Pravilnikom o unutrašnjoj organizaciji i poslovanju Kantonalnog tužilaštva Tuzlanskog kantona.

U organizacijskom smislu Kantonalno tužilaštvo Tuzlanskog kantona sačinjavaju : Ured Glavnog kantonalnog tužioca, Kolegij , tužilački odjeli, uprava tužilaštva i Odjel za odnose s javnošću .

Kada je riječ o tužilačkim odjelima ,tužilaštvo sačinjavaju dva Odjela (I i II). Tužilačkim Odjelima rukovode zamjenici glavnog tužioca . Ovi Odjeli se sastoje od Odsjeka koji imaju određen broj tužilaca Kantonalnog tužilaštva Tuzlanskog kantona.

1.2.1. Prvi Odjel

Prvi odjel se sastoji od dva Odsjeka i to :

a) Odsjek za korupciju, privredni kriminal i utaju poreza koji obuhvata postupanje za krivična djela iz glave XXII-krivična djela protiv privrede, poslovanja i sigurnosti platnog prometa (članovi od 241-272), krivična djela iz glave XXIII krivična djela iz oblasti poreza (članovi 273-285) i XXXI -krivična djela podmićivanja i krivična djela protiv službene i druge odgovorna osobe (članovi od 380 do 392) iz Krivičnog zakona Federacije Bosne i Hercegovine.

b) Odsjek za ratne zločine,opšti kriminal i dr.djela koji obuhvata postupanje za krivična djela protiv Ustavnog poretka Federacije iz glave XV(član 149-165),krivična djela protiv oružanih snaga Federacije iz glave XXXIII (član 399-417), krivična djela protiv okoliša, poljoprivrede i prirodnih dobara iz glave XXVI (član 303-322),krivična djela protiv opće sigurnosti ljudi iz glave XXVII (član 323-331),krivičana djela protiv pravosuđa iz glave XXIX (član 338-357),krivična djela protiv javnog reda i pravnog prometa iz glave XXX (član 358-379), krivična djela protiv sustava elektronske obrade podataka iz glave XXXII (član 393-398).

1.2.2. Drugi Odjel

Drugi odjel sastoji se od dva odsjeka i to :

a) Odsjek za krvne i seksualne delikte i srodna djela obuhvata postupanje za krivična djela protiv života i tijela iz glave XVI (član 166-176),krivična djela protiv slobode i prava čovjeka i građanina iz glave XVII (član 177-199),krivična djela protiv spolne slobode i morala iz glave XIX (član 203-213),krivična djela protiv braka,porodice i mladeži iz glave XX(član 214-224),krivična djela protiv zdravlja ljudi iz glave XXI (član 225-240).

b) Odsjek za imovinske i saobraćajne delikte obuhvata postupanje za krivična djela protiv radnih odnosa iz glave XXIV (član 279-285), krivična djela protiv imovine iz glave XXV (član 286-302), krivična djela protiv sigurnosti javnog prometa iz glave XXVIII (član 323-337).

1.2.3. Stručni savjetnici

Prema novoj organizaciji Tužilaštva, tužiocima u radu pomažu stručni savjetnici. Rad i angažman stručnih savjetnika utvrđen je u Pravilniku o unutrašnjoj organizaciji i poslovanju Kantonalnog tužilaštva Tuzlanskog kantona. Primarna uloga savjetnika jeste da tužiocima pruže neophodnu stručnu pomoć, prvenstveno u vođenju istraga kod složenih krivičnih predmeta gdje su potrebna specijalistička (forenzička) znanja iz oblasti kriminalistike, ekonomije, medicine i saobraćaja i.t.d., te da po odobrenju tužioca samostalno provode određene istražne radnje, kao i koordinaciju i operativno vođenje toka istrage.

Krajem 2007 godine Kantonalno tužilaštvo Tuzlanskog kantona Tuzla je posredstvom Agencije za državnu službu FBiH izvršilo prijem jednog stručnog savjetnika koji je počeo sa radom u januaru 2008 godine. Konkurs je raspisan za 3(tri) stručna savjetnika, međutim nisu se javili kandidati koji ispunjavaju uslove konkursa.

Angažiranje savjetnika direktno utiče na efikasnost rada Tužilaštva, na koji način se osigurava potrebna stručna pomoć u vidu ekspertize iz pojedinih oblasti u cilju efikasnijeg rada na otkrivanju krivičnih djela i u toku vođenja istraga, kao što je to slučaj sa stručnim savjetnicima Tužilaštava u mnogim evropskim zemljama.

1.2.4. Uprava tužilaštva

Upravom tužilaštva rukovodi Glavni kantonalni tužilac uz pomoć arhivara (sekretara) Tužilaštva. Upravu Tužilaštva čini Ured arhivara, Odjel za registar i arhivu, Odjel za finansijsko-materijalne poslove, Odjel za odnose sa javnošću i Odjel za administrativno-tehničke i pomoćne poslove.

1.2.5 Nadležnost tužilaštva

U odnosu na raniju organizaciju Tužilaštava u Tuzlanskom kantonu, u cilju centralizacije tužilačkih ureda u kantonima, Odlukom Visokog sudskog i tužilačkog vijeća Federacije Bosne i Hercegovine izvršena je reorganizacija tužilaštava, kojom je došlo do ukidanja Općinskih tužilaštava i do osnivanja kantonalnih tužilaštava u Federaciji Bosne i Hercegovine.

Mjesna i stvarna nadležnost Kantonalnog tužilaštva Tuzlanskog kantona podudara se sa mjesnom i stvarnom nadležnošću Kantonalnog suda Tuzla i Općinskih sudova u Tuzli, Gračanici, Gradačcu, Kalesiji i Živnicama, što znači da je došlo do koncentracije otkrivanja i gonjenja počinitelja krivičnih djela.

1.3. Kadrovska osposobljenost Kantonalnog tužilaštva

Jedna od osnovnih pretpostavki za uspješno obavljanje svake pa i tužilačke dužnosti je kadrovska osposobljenost, jer samo kadrovski osposobljeno Tužilaštvo može uspješno i kvalitetno obavljati Zakonom utvrđenu tužilačku dužnost.

Kantonarno tužilaštvo Tuzlanskog kantona Tuzla je Odlukom Visokog sudskog i tužilačkog vijeća FBiH počelo sa radom 10.11.2003 godine ,kada su Glavni kantonarni tužilac, zamjenici glavnog kantonalnog tužioca i 32 kantonarna tužioca stupili na dužnost. U toku 2008 godine dva kantonarna tužioca su bila na višemjesečnom bolovaju ,jedna kantonarna tužiteljica je krajem 2008 godine imenovana je za dodatnog sudiju u Kantonarni sud Tuzla ,a jedan tužilac je imenovan za člana Međunarodnog tima sudija i tužilaca u Odjeljenje za vladavinu prava kroz reformu pravosuđa u OSCE u Makedoniji . Što se tiče nacionalne strukture tužilaca u Tužilaštvu ona je ostala na nivou 2003 godine i ona je slijedeća (34 tužioca) :

- dvadeset četiri (24) Bošnjaka ili 68,57 %,
- pet (5) Hrvata ili 14,28 %,
- šest (6) Srba ili 17,14 %

U odnosu na stručnu, administrativno-tehničku i prateću službu u toku 2008 godine više namještenika je bilo na bolovanju . Na kraju 2008 godine nepopunjeno je jedno mjesto kantonalnog tužioca i dva mjesta stručnog savjetnika Tužilaštvo je izvršilo popunu svih radnih mjesta preuzimajući namještenike iz bivših Općinskih tužilaštva sa područja Tuzlanskog kantona osim dva mjesta stručnih savjetnika , a u skladu sa Pravilnikom o unutrašnjoj organizaciji i poslovanju Kantonalnog tužilaštva Tuzlanskog kantona na koji je data saglasnost od strane Visokog sudskog i tužilačkog vijeća FBiH, 03.12.2003 godine. Po odluci Vlade Tuzlanskog kantona uvedene su mjere štednje i obustavljaju se nova zapošljavanja izuzev neophodnih zamjena ranije popunjenih radnih mjesta krajem 2008 i u 2009 godini .

1.4.Materijalno tehnička osposobljenost tužilaštva

Donošenjem Zakona o sudskoj i tužilačkoj funkciji još 2000 godine poboljšana je materijalna položaj nosilaca tužilačke funkcije na području cijele Bosne i Hercegovine i može se reći da je doveden u ravan sa dostojanstvom ,ugledom, složenošću i odgovornošću tužilačke dužnosti. Nakon što je prestao da važi Zakon o sudskoj i tužilačkoj funkciji u Federaciji Bosne i Hercegovine od strane Visokog predstavnika donesena je Odluka kojom se donosi Zakon o plaćama i ostalim naknadama sudija i tužilaca u Federaciji Bosne i Hercegovine kojim su utvrđene osnovne mjesečne plaće koje se primjenjuju od 01.01.2006 godine .

Sjedište tužilaštva nalazi se u zapadnom dijelu zgrade pravosudnih organa u Tuzli. Sjedište je privremeno iz razloga što je Kantonarnom tužilaštvu Tuzlanskog kantona Tuzla dodjeljeno neizgrađeno gradsko zemljište za izgradnju nove zgrade Tužilaštva i urađena je projektna dokumentacija , pribavljeno je i rješenje o dozvoli građenja ,te izabran izvođač radova putem javnog nadmetanja. Budžetom Tuzlanskog kantona za 2007 godinu odobrena su sredstva za izgradnju u iznosu od 500.000,00 KM koja su postala operativna krajem 2007 godine i ista realizovana .

Programom kapitalnih izdataka za 2008 godinu Tužilaštvu je planiran iznos od 1.500.000,00 KM za izgradnju poslovnog objekta Kantonalnog tužilaštva Tuzlanskog kantona Tuzla i 100.000,00 KM za nabavku opreme .Za izgradnju poslovnog objekta Kantonalnog tužilaštva Tuzlanskog kantona u 2008 godini realizovan je iznos od 1.300.000,00 KM i 100.000,00 KM za nabavku opreme .

Što se tiče tehničke opremljenosti kompjuterskom opremom i zastupljenosti informacionih tehnologija u radu stanje je na zadovoljavajućem nivou, ali treba imati u vidu da je kompjuterska oprema starijeg datuma i potrebno je istu postepeno mjenjati .

U Tužilaštvu je uspostavljena kompjuterska mreža ,priklučenje na internet.

U Tužilaštvu trenutno ne postoji centralizirana i automatska obrada podataka.

Može se konstatovati da je materijalno-tehnička opremljenost tužilaštva zadovoljavajuća, ali i da su opravdana očekivanja da ona bude poboljšana s obzirom da je Tužilaštvo obuhvaćeno projektom «Podrška tužilaštvima u BiH». Tokom 2005 godine u Tužilaštvu je izvršena instalacija lokalnih mreža priključenjem svih instaliranih radnih stanica (starih i novih) na lokalne mreže čime će biti omogućen rad rad raznovrsnih poslova . Tako svi korisnici IKT opreme na jednoj lokaciji mogu komunicirati putem elektronske pošte ,imati pristup dokumentima kao i mogućnost zaštite svih dokumenata na serverima. Na ovaj način je znatno poboljšana komunikacija među zaposlenima u Tužilaštvu.

U 2005 godini po donaciji Evropske Komisije , a u sklopu projekta Podrška Tužilaštvima u BiH, Tužilaštvo je dobilo kompletnu računarsku opremu sa (67 računara, 31 personalni printer, 2 laser printera TYPE IV) Faza povezivanja sudova i tužilaštava u jedinstvenu mrežu na nivou BiH planirana je od 2007-2010 godini IKT projektom koji sprovodi Visoko sudsko i tužilačko vijeće Bosne i Hercegovine .

U izvještajnoj godini smo zahvaljujući resornom Ministarstvu pravosuđa i uprave Tuzlanskog kantona i Vladi Kantona uspjeli da sve troškove poslovanja Tužilaštva izmiriti,osim troškova za vještake tako da u 2009 godinu ulazimo sa dugom za vještake za novembar i decembar 2008 godine .

Imajući u vidu osnovne karakteristike tužilačke organizacije i pravosuđa u cjelini, kada je u pitanju materijalni položaj i uslovi rada neophodan je samostalan sudski i tužilački Budžet koji bi bio odvojen od Budžeta kantona i Budžeta FBiH, o čemu se inače razgovaralo na brojnim seminarima koji su održavani u organizaciji Vijeće Evrope ,Centra za edukaciju sudija i tužilaca u FBiH i Udruženja sudija i tužilaca u BiH .Na taj način sredstva bi se usmjeravala u jedinstven sudski tužilački Budžet čime bi smisao principa nezavisnosti i samostalnosti tužilaštava bio u potpunosti ispunjen.

2.PRIMJENA ZAKONA FEDERACIJE IZ NADLEŽNOSTI KANTONALNOG TUŽILAŠTVA U 2008 GODINI

2.1.Osnovne aktivnosti

Otkrivanje i krivično gonjenje počinitelja krivičnih djela ,koje vrši tužilac, izuzetno je složen zadatak .Uspješnost tužilaca u ostvarivanju svoje funkcije u širem smislu zavisi od osposobljenosti, ažurnosti i efikasnosti svih Agencija za provođenje zakona .

Zadatak Tužilaštva u širem smislu je generalna prevencija kao i specijalna prevencija, izražena kroz otkrivanje i progon počinitelja. Od suštinskog je značaja procjena postojanja osnova sumnje kao zakonskog preduslova za postupanje tužioca, pri čemu je neophodno osigurati poštivanje ljudskih prava u smislu zaštite od neutemeljenog krivičnog progona .

Jedan od najdelikatnijih dijelova tužilačkog posla jeste procjena postojanja osnovne sumnje da bi se moglo narediti provođenje istrage s jedne strane i s druge strane, zaštita građana od mogućeg neosnovanog vođenja istrage, što zavisi isključivo od procjene tužioca.

Na temelju nekoliko pokazatelja moguće je ocjeniti uspješnost djelovanja Tužilaštva u postupcima otkrivanja počilaca krivičnih djela. To su prvenstveno pokazatelji o broju otkrivenih krivičnih djela i izvršilaca tih djela, broju donesenih naredbi za provođenje istrage, broju tužilačkih odluka da se istraga ne pokrene ili da se otvorena istraga obustvi, pokazatelji o broju podnesenih i potvrđenih optužnica, te o broju presuđenih predmeta, vrsti izrečenih presuda i izjavljenim žalbama .

U izvještajnom periodu primljeno je **3084** izvještaja o učinjenom krivičnom djelu protiv **4279** lica, a u 2007 godini primljen je 2941 izvještaj o učinjenom krivičnom djelu protiv 4402 lica ,što znači da je u 2008 godini povećan broj primljenih izvještaja o počinjenom krivičnom djelu za 4,86 % i smanjen je broj prijavljenih lica za 3,34 %

Iz. 2007 godine ostalo je neriješeno **762** izvještaja o učinjenom krivičnom djelu protiv **1322** lica, što znači da je bilo ukupno u radu **3846** izvještaja protiv **5601** lica . Na kraju izvještajnog perioda ostalo je neriješeno 765 izvještaja ili 19,89% protiv 1244 lica ili 22,21 % u odnosu na ukupan broj izvještaja koje je Tužilaštvo imalo u radu.

U izvještajnom periodu u **2785** krivičnih predmeta tužilaštvo je naredilo istragu protiv **3801** lica, a 2007 godini naređeno je provođenje istrage u 2566 predmeta. protiv 3797 lica , što znači da je u odnosu na 2007 godinu doneseno više naredbi o provođenju istrage za 8,53 % u odnosu na broj predmeta ili za 0,105 % u odnosu na broj lica lica .

Neriješenih istraga sa 31.12.2007 je bilo u 1123 predmeta protiv 2234 lica, tako da je ukupno u radu bilo u **3908** istraga protiv **6035** lica.

U 2008 godini istraga je obustavljena u **329** predmeta protiv **484** lica ,a u 2007 godini istraga je obustavljena u **271** predmetu protiv **462** lica.

Ustupljeno ili riješeno istraga na drugi način u **119** predmeta protiv **197** lica . Na kraju izvještajnog perioda ostalo neriješenih istraga u **1128** predmeta protiv **2228** lica .

Tužilaštvo je u 191 predmeta ili 4,42 % protiv 376 lica ili 5,01% odlučilo da neće provoditi istragu .

U toku istražnog postupka ,a na prijedlog tužilaštva sudovi sa područja Tuzlanskog kantona su odredila pritvor u 147 predmeta protiv 184 lica ,u 2007 godini pritvor je određen u 89 predmeta protiv 109 lica, što znači da je povećan broj pritvorskih predmeta za 60,54 %, a broj pritvornih lica je povećan za 59,24%.Znači , tužioci su u 2008 godini bili „agresivniji“ u predlaganju mjere pritvora uz poštovanje svih prava iz Zakona o krivičnom postupku i Evropske konvencije o osnovnim ljudskim pravima i slobodama, te je pritvor predlagan u svakom slučaju kada su ispunjeni zakonski uslovi .

Kantonalno tužilaštvo Tuzlanskog kantona Tuzla je u izvještajnom periodu Sporazum o priznanju krivnje sklopilo sa **181** licem u **154** predmeta , što su sudovi prihvatili, a na osnovu čega su optuženim licima izrečene presude bez suđenja sa krivičnom sankcijom koja je predhodno usaglašena u sporazumu o priznanju krivnje.

Tužilaštvo je podiglo optužnica u 2007 godini u 2027 predmeta protiv 2756 lica, a u 2008 godini podignuto je optužnica u 2400 predmeta protiv 3126 lica. Znači, povećan je broj podignutih optužnica za 18,4% predmeta, a za 13,4% je optuženo više lica.

Sudovi su potvrdili optužnica u 2007 godini u 2005 predmeta protiv 2704 lica, a u 2008 godini sudovi su potvrdili optužnice u 2310 predmeta protiv 3058 lica. Znači u odnosu na 2007 godinu potvrđeno je više optužnica za 15,20%, a u odnosu na broj lica potvrđeno je optužnica više za 13,09%. Sudovi su odbili potvrđivanje 8 optužnica protiv 10 lica, a Tužilaštvo je prije potvrđivanja povuklo 4 optužnice protiv 7 lica.

Tužilaštvo je u pet predmeta protiv 5 lica odustalo od optužnice prije završetka glavnog pretresa.

Sudovi su u toku 2007 godine donjeli 1668 presuda protiv 2156 lica, a u 2008. godini 1569 presuda protiv 1953 lica.

Na kraju izvještajnog perioda za 2007 g u sudovima nije donesena prvostepena presuda po 2346 potvrđenih optužnica u odnosu na 3655 lica, a u 2008 nije donesena prvostepena presuda po 3246 potvrđenih optužnica u odnosu na 5098 lica.

Sudovi su u 2008 godini donijeli ukupno 1440 ili 97,30% osuđujućih presuda protiv 1743 lica ili 97,26%, a u 2007 godine donjeli su 1501 osuđujuću presuda protiv 1871 lica. Od ukupnog broja osuđujućih presuda kazna zatvora je izrečena u 278 predmeta ili 18,82%, protiv 357 lica ili 19,08%, izrečeno je uslovnih osuda u 995 predmeta ili 66,28% protiv 1251 lica ili 66,86%, novčanih kazni je izrečeno u 228 predmeta ili 15,18% protiv 263 lica ili 14,05%.

U izvještajnom periodu sudovi su donijeli oslobađajućih presuda u 31 predmetu ili 2,10% protiv 39 lica ili 2,18%. Sudovi su donijeli odbijajućih presuda u 9 predmeta ili 0,6% protiv 10 lica ili 0,56%.

Kantonalno tužilaštvo Tuzlanskog kantona Tuzla na kaznenu politiku može jedino uticati sa izjavljivanjem žalbe i u 2008 godini izjavljeno je 157 žalbi u odnosu na 200 lica. Kantonalni sud Tuzla i Vrhovni sud FBiH su riješili 107 žalbi protiv 133 lica. Žalba je uvažena u 32 predmeta protiv 40 lica, a odbijeno je 75 žalbi protiv 93 lica. Znači drugostepeni sudovi su uvažili žalbu u 29,9% predmeta, a u odnosu na broj lica uvažena je žalba za 30,8%, a odbijeno je žalbi u 70,10% predmeta, a u odnosu na broj lica 69,92%.

Pri donošenju odluka o ulaganju žalbi, kao i u odnosu na njihov potpun, argumentovan i konkretan sadržaj, u cijelosti u skladu sa odgovarajućim zakonskim odredbama potrebno je organizovati način rada tako da se žalbama obezbjedi jačanje zakonitosti, kontrola rada, jednakoobraznost i ujednačenost prakse postupanja.

Naprijed navedeni podaci ukazuju na studiozan i kvalitetan rad u pripremanju optužnica, osiguranju dokaza, pogotovu ako znamo da se u toku suđenju svi dokazi neposredno izvode.

Radi boljeg razumjevanja naprijed navedenih podataka iste ćemo prikazati tabelarno:

TABELARNI PRIKAZ

1.	Prijave-Izvještaji				
a)	Nerješene prijave sa 31.12.2007	Po licima	1.322	Po predmetima	762
b)	Primljeno pr.u izv.per	Po licima	4.279	Po predmetima	3.084
c)	Ukupno prijava u radu	Po licima	5.601	Po predmetima	3.846
d)	Doneseno odluka o neprovođenju istrage	Po licima	376	Po predmetima	191
1.	Prijave-Izvještaji				
a)	Ostalonerješeneh prijava na kraju izv.per.	Po licima	1.244	Po predmetima	765
b)	Ustupljeno ili rješeno na drugi način-prijave	Po licima	180	Po predmetima	124

2.	Istrage				
a)	Nerješeno istraga sa 31.12.2007	Po licima	2.234	Po predmetima	1.123
b)	Naređeno istraga u izvještajnom periodu	Po licima	3.801	Po predmetima	2.785
c)	Ukupno istraga u radu	Po licima	6.035	Po predmetima	3.908
d)	Obustavljeno istraga-ukupno	Po licima	484	Po predmetima	329
i)	Ostalonerješeneh istraga na kraju izv.perioda	Po licima	2.228	Po predmetima	1.128
j)	Ustupljeno ili rješeno na drugi način istraž.predm.	Po licima	197	Po predmetima	119
k)	Određeno pritvora u fazi istrage	Po licima	184	Po predmetima	147

3.	Optuženja				
a)	Podneseno optužnica,	Po licima	3.126	Po predmetima	2.400
b)	Zaključeno sporazuma o krivnji	Po licima	181	Po predmetima	154
c)	Optužnica s pr.kaznenog naloga	Po licima	704	Po predmetima	599
d)	Optužnica-potvrđenih	Po licima	3.058	Po predmetima	2.310
e)	Potpuno odb.optuž.	Po licima	4	Po predmetima	1
f)	Povučeno optužnica	Po licima	10	Po predmetima	8
g)	Ostalo nerješениh optužnica na kraju izv.perioda na sudu	Po licima	5.098	Po predmetima	3.246
h)	Odustanak od optužnica nakon potvrđivanja, a do početka gl.pretresa	Po licima	6	Po predmetima	6
i)	Odustanak od optužnice nakon potvrđivanja do završetka glavnog pretresa	Po licima	5	Po predmetima	5

	Presude				
a)	Donesenoukupno osuđujućih presud.	Po licima	1.743	Po predmetima	1.440
b)	Od toga zatv.kazne	Po licima	356	Po predmetima	279
c)	Od toga uslovnih os.	Po licima	1.085	Po predmetima	912
d)	Izrečeno novčanih kazni od ukupnog broja osuđujućih	Po licima	302	Po predmetima	249
e)	Donesenooslobađa. presuda	Po licima	39	Po predmetima	31
f)	Doneseno odbijajuć. presud	Po licima	10	Po predmetima	9

5.	Žalbe				
a)	Uloženo žalbi na presude	Po licima	200	Po predmetima	157
	Od toga uvaženo	Po licima	40	Po predmetima	32
	Odbijeno	Po licima	93	Po predmetima	75

1.5.2 ANALIZA STRUKTURE KRIMINALITETA PO KRIVIČNIM DJELIMA OD GLAVE XV do XXXIII KZ FBiH.

U nastavku ovog izvještaja prikazat ćemo krivična djela iz nadležnosti Kantonalnog tužilaštva Tuzlanskog kantona Tuzla :

1. Krivična djela protiv - čovječnosti i međunarodnog prava - genocid i ratni zločin protiv civilnog stanovništva – Ukupno zaprimljeno u izvještajnom periodu 3 prijave protiv 5 . Iz ranijeg perioda prenešeno 7 prijava protiv 10 lica- Ukupno u radu 10 prijave protiv 15 lica Na kraju izvještajnog perioda u tužilaštvu se nalazi 7 neriješenih prijava protiv 10 lica U izvještajnom periodu naređeno je 2 istrage protiv 5 lica Iz ranijeg perioda prenesene 37 istraga protiv 571 lica Ukupno u radu 39 istraga protiv 575 lica

Na kraju izvještajnog perioda ostalo neriješeno 38 istraga protiv 564 lica. Podignute 2 optužnice protiv 6 lica

2. Krivična djela protiv života i tijela iz glave XVI (član 166-176)

Od ukupnog broja prijavljenih krivičnih djela u Kantonalnom tužilaštvu Tuzlanskog kantona, krivičnih djela iz glave XVI je bilo :

- u 436 predmeta prijavljeno je 645 lica ,
- za krivična djela iz navedene glave tužilaštvo je imalo u radu 482 istraga protiv 657 lica.
- u 352 predmeta podnesene su optužnice protiv 443 lica
- Sudovi su donjeli ukupno 249 osuđujućih presuda protiv 291 lica

U ukupnom broju prijavljenih lica za počinjena krivična djela iz glave XVI za krivično djelo iz člana 173 stav1 –lahka tjelesna ozljeda u 307 predmeta prijavljeno je 427 lica

Krivična djela protiv života i tijela u ukupnom broju predmeta u Kantonalnom tužilaštvu Tuzlanskog kantona zauzimaju 11,33 %, a u odnosu na broj lica 17,62 %.

3. Krivična djela protiv slobode i prava čovjeka i građanina iz glave XVII (član 177-199-)

Od ukupnog broja prijavljenih krivičnih djela u Kantonalnom tužilaštvu Tuzlanskog kantona , krivičnih djela iz glave XVII je bilo :

- U 72 predmeta prijavljeno 82 lica
- Za krivična djela iz navedene glave tužilaštvo je imalo u radu 76 istraga protiv 87 lica.
- U 47 predmeta. protiv 53 lica podignute optužnice
- Sudovi su donjeli ukupno 27 osuđujućih presuda protiv 30 lica

U ukupnom broju prijavljenih lica za počinjena krivična djela iz glave XVII za krivično djelo iz člana 183 stav 1 –ugrožavanje sigurnosti u 58 predmeta prijavljeno je 59 lica

Krivična djela protiv slobode i prava čovjeka i građanina u ukupnom broju predmeta u Kantonalnom tužilaštvu Tuzlanskog kantona zauzimaju 1,87 %, a u odnosu na broj lica 1,46 %.

4 Krivična djela protiv spolne slobode i morala iz glave XIX (član 203-213)

Od ukupnog broja prijavljenih krivičnih djela u Kantonalnom tužilaštvu Tuzlanskog kantona , krivičnih dijela iz glave XIX je bilo :

- U 42 predmetu prijavljeno ukupno 50 lica
- Za krivična djela iz navedene glave tužilaštvo je imalo u radu 54 istraga protiv 60 lica.
- u 34 predmeta protiv 37 lica podnesene su optužnice
- Sudovi su donjeli ukupno 25 osuđujućih presuda protiv 27 lica

U ukupnom broju prijavljenih lica za počinjena krivična djela iz glave XIX za krivično djelo iz člana 210 navođenje na prostituciju u 17 predmeta prijavljeno je 20 lica .Krivična djela protiv spolna slobode i morala u ukupnom broju predmeta u Kantonalnom tužilaštvu Tuzlanskog kantona zauzimaju 1,09 %, a u odnosu na broj lica 0,89 % .

5. Krivična djela protiv braka,obitelji i mladeži iz glave XX (član 214-224)

Od ukupnog broja prijavljenih krivičnih djela u Kantonalnom tužilaštvu Tuzlanskog kantona , krivičnih dijela iz glave XX bilo je :

- U 185 predmeta prijavljeno 196 lica ,
- Za krivična djela iz navedene glave tužilaštvo je imalo u radu 198 istraga protiv 206 lica.
- U 115 predmeta podnesene su optužnice protiv 116 lica
- Sudovi su donjeli ukupno 73 osuđujuće presuda proti v 74 lica

U ukupnom broju prijavljenih lica za počinjena krivična djela iz glave XX za krivično djelo iz člana 222 stav1-nasilje u porodici u 146 predmeta prijavljeno je 149 lica .Krivična djela protiv braka,obitelj i mladeži u ukupnom broju predmeta u Kantonalnom tužilaštvu Tuzlanskog kantona zauzimaju 4,81 %, a u odnosu na broj lica 3,49 % .

6. Krivična djela protiv zdravlja ljudi iz glave XXI (član 225-240)

Od ukupnog broja prijavljenih krivičnih djela u Kantonalnom tužilaštvu Tuzlanskog kantona , krivičnih dijela iz glave XXI bilo je :

- U 205 predmeta prijavljeno ukupno 242 lica
- Za krivična djela iz navedene glave tužilaštvo je imalo u radu 226 istraga protiv 265 lica.
- Podnesene su optužnice u 161 predmetu protiv 178 lica
- Sudovi su donjeli ukupno 121 osuđujuću presuda protiv 131 lica

U ukupnom broju prijavljenih lica za počinjena krivična djela iz glave XXI za krivično djelo iz člana 239 stav1-posjedovanje i omogućavanje uživanja opojnih droga prijavljeno je u 150 predmeta 167 lica

Krivična djela protiv zdravlja ljudi u ukupnom broju predmeta u Kantonalnom tužilaštvu Tuzlanskog kantona zauzimaju 5,33 %, a u odnosu na broj lica 4,32 % .

7. Krivična djela protiv privrede, poslovanja i sigurnosti platnog prometa iz glave XXII (član 241-272)

Od ukupnog broja prijavljenih krivičnih djela u Kantonalnom tužilaštvu Tuzlanskog kantona , krivičnih dijela iz glave XXII bilo je :

- U 83 predmeta prijavljeno ukupno 126 lica
- Za krivična djela iz navedene glave tužilaštvo je imalo u radu 53 istraga protiv 79 lica.
- podnesene su optužnice u 22 predmeta protiv 16 lica
- Sudovi su donjeli ukupno 8 osuđujućih presuda protiv 12 lica

U ukupnom broju prijavljenih lica za počinjena krivična djela iz glave XXII za krivično djelo iz člana 247-zloupotreba ovlasti u privrednom poslovanju u 42 predmeta prijavljeno je 47 lica

Krivično djelo protiv privrede ,poslovanja i sigurnosti platnog prometa u ukupnom broju predmeta u Kantonalnom tužilaštvu Tuzlanskog kantona zauzimaju 2,15 %, a u odnosu na broj lica 2,24 % .

8. Krivična djela iz oblasti poreza iz glave XXIII (član 273-278)

Od ukupnog broja prijavljenih krivičnih djela u Kantonalnom tužilaštvu Tuzlanskog kantona , krivičnih dijela iz glave XXIII bilo je :

- U 33 predmeta prijavljeno 54 lica ,
- Za krivična djela iz navedene glave tužilaštvo je imalo u radu 36 istraga protiv 47 lica
- U 11 predmeta podnesene su optužnice protiv 11 lica
- Sudovi su donjeli ukupno 4 osuđujućih presuda protiv 5 lica

U ukupnom broju prijavljenih lica za počinjena krivična djela iz glave XXIII za krivično djelo iz člana 273 stav 1-porezna utaja- u 28 predmeta. prijavljeno 49 lica. Krivična djela iz oblasti poreza u ukupnom broju predmeta u Kantonalnom tužilaštvu Tuzlanskog kantona zauzimaju 0,85 %, a u odnosu na broj 0,87 %lica .

9. Krivična djela protiv imovine iz glave XXV (član 286-302)

Od ukupnog broja prijavljenih krivičnih djela u Kantonalnom tužilaštvu Tuzlanskog kantona , krivičnih dijela iz glave XXV:

- U 1517 predmetu prijavljeno 2457 lica
- Za krivična djela iz navedene glave tužilaštvo je imalo u radu 1476 istraga protiv 2384 lica.
- Podnesene su optužnice u 853 predmeta protiv 1271 lica
- Sudovi su donjeli ukupno 452 osuđujuće presude protiv 650 lica.

U ukupnom broju prijavljenih lica za počinjena krivična djela iz glave XXV za krivično djelo iz člana 287 teška krađa u 583 predmeta prijavljeno je 1094 lice.

Krivična djela protiv imovine u ukupnom broju predmeta u Kantonalnom tužilaštvu Tuzlanskog kantona zauzimaju 39,44 %, a u odnosu na broj lica 43,86 % .

10. Krivična djela protiv okoliša, poljoprivrede i prirodnih dobara iz glave XXVI (član 303-322)

Od ukupnog broja prijavljenih krivičnih djela u Kantonalnom tužilaštvu Tuzlanskog kantona , krivičnih dijela iz glave XXVI bilo je :

- U 217 predmeta prijavljeno 289 lica
- Za krivična djela iz navedene glave tužilaštvo je imalo u radu 246 istrage protiv 327 lica.
- Podignute su optužnice u 154 predmeta protiv 193 lica
- Sudovi su donjeli ukupno 80 osuđujućih presuda protiv 96 lica.

U ukupnom broju prijavljenih lica za počinjena krivična djela iz glave XXVI za krivično djelo iz člana 316 stav 1-šumska krađa u 205 predmeta prijavljeno je 259 lica . Krivična djela protiv okoliša, poljoprivrede i prirodnih dobara u ukupnom broju predmeta u Kantonalnom tužilaštvu Tuzlanskog kantona zauzimaju 5,46 %, a u odnosu na broj lica 5,16 %.

11. Krivična djela protiv opće sigurnosti ljudi i imovine iz glave XXVII (član 323-331)

Od ukupnog broja prijavljenih krivičnih djela u Kantonalnom tužilaštvu Tuzlanskog kantona , krivičnih dijela iz glave XXVII bilo je :

- U 70 predmeta prijavljeno ukupno 90 lica
- Za krivična djela iz navedene glave tužilaštvo je imalo u radu 69 istraga protiv 84 lica.
- U 46 predmeta protiv 54 lica podnesene su optužnice
- Sudovi su donjeli ukupno 22 osuđujućw presudu protiv 23 lica.

U ukupnom broju prijavljenih lica za počinjena krivična djela iz glave XXVII za krivično djelo iz člana 323 stav 1-izazivanje opće opasnosti U 43 predmeta prijavljeno je 52 lica .Krivična djela protiv opće sigurnosti ljudi i imovine u ukupnom broju predmeta u Kantonalnom tužilaštvu Tuzlanskog kantona zauzimaju 1,82 %, a u odnosu na broj lica 1,60 %.

12. Krivična djela protiv sigurnosti javnog prometa iz glave XXVIII (član 332-337)

Od ukupnog broja prijavljenih krivičnih djela u Kantonalnom tužilaštvu Tuzlanskog kantona , krivičnih dijela iz glave XXVIII bilo je :

- U 443 predmeta prijavljeno ukupno 458 lica
- Za krivična djela iz navedene glave tužilaštvo je imalo u radu 441 istraga protiv 453 lica.
- U 306 predmeta protiv 312 lica podnesene su optužnice
- Sudovi su donjeli ukupno 182 osuđujućih presudu protiv 185 lica.

U ukupnom broju prijavljenih lica za počinjena krivična djela iz glave XXVIII za krivično djelo iz člana 336 –teška krivična djela protiv sigurnosti javnog prometa u 297 predmeta prijavljeno je 305 lica . Krivična djela protiv sigurnosti javnog prometa u ukupnom broju predmeta u Kantonalnom tužilaštvu Tuzlanskog kantona zauzimaju 11,51 %, a u odnosu na broj lica 8,17 %.

13. Krivična djela protiv pravosuđa iz glave XXIX (član 338-357)

Od ukupnog broja prijavljenih krivičnih djela u Kantonalnom tužilaštvu Tuzlanskog kantona , krivičnih dijela iz glave XXIX bilo je :

- U 44 predmetu prijavljeno 63 lica
- Za krivična djela iz navedene glave tužilaštvo je imalo u radu 43 istrage protiv 53 lica.
- U 21 predmetu protiv 28 lica podnesene su optužnice
- Sudovi su donjeli ukupno 7 osuđujućih presudu protiv 11 lica.

U ukupnom broju prijavljenih lica za počinjena krivična djela iz glave XXIX za krivično djelo iz člana 347 stav 1-lažno prijavljivanje: u 17 predmeta prijavljena su 20 lica .Krivična djela protiv pravosuđa u ukupnom broju predmeta u Kantonalnom tužilaštvu Tuzlanskog kantona zauzimaju 1,14 %, a u odnosu na broj lica 1,12 %.

14. Krivična djela protiv javnog reda i pravnog prometa iz glave XXX (član 358-379)

Od ukupnog broja prijavljenih krivičnih djela u Kantonalnom tužilaštvu Tuzlanskog kantona , krivičnih dijela iz glave XXX bilo je :

- U 369 predmeta prijavljeno 582 lica
- Za krivična djela iz navedene glave tužilaštvo je imalo u radu 399 istraga protiv 631 lica.
- U 257 predmetu podnesene optužnice protiv 351 lica
- Sudovi su donjeli ukupno 156 osuđujućih presudu protiv 210 lica.

U ukupnom broju prijavljenih lica za počinjena krivična djela iz glave XXX za krivično djelo iz člana 373 –krivotvorenje isprave u 121 predmetu prijavljeno 181 lice . Krivična djela

protiv javnog reda i pravnog prometa u ukupnom broju predmeta u Kantonalnom tužilaštvu Tuzlanskog kantona zauzimaju 9,59 % a u odnosu na broj lica 10,39 %.

15. Krivična djela protiv podmićivanja i krivična djela protiv službene i druge odgovorne dužnosti iz glave XXXI (član 380-392)

Od ukupnog broja prijavljenih krivičnih djela u Kantonalnom tužilaštvu Tuzlanskog kantona , krivičnih dijela iz glave XXX bilo je :

- U 115 predmeta prijavljeno ukupno 242 lica
- Za krivična djela iz navedene glave tužilaštvo je imalo u radu 69 istraga protiv 124 lica.
- U 29 predmeta protiv 51 lica podignute su optužnice
- Sudovi su donjeli ukupno 14 osuđujućih presuda protiv 16 lica.

U ukupnom broju prijavljenih lica za počinjena krivična djela iz glave XXXI za krivično djelo iz člana 383 stav 1 –zloupotreba položaja ili ovlašćenja prijavljeno u 81 predmeta prijavljeno je 164 lica . Krivična djela protiv podmićivanja i krivična djela protiv službene i druge odgovorne dužnosti u ukupnom broju predmeta u Kantonalnom tužilaštvu Tuzlanskog kantona zauzimaju 2,99 %, a u odnosu na broj lica 4,32 %.

1.6.1 Kriminalitet maloljetnika –KTM

U 2008 godini primljeno je **374** predmeta protiv **579** lica , a u 2007 godini , Kantonalno tužilaštvo Tuzlanskog kantona primilo je 395 predmeta protiv 570 lica gdje su izvršiocri krivičnih djela maloljetna lica. Iz ranijeg perioda prenešeno je 137 predmeta protiv 234 lica., što znači da je ukupno u radu bilo **511** predmeta protiv **813** lica . Postupajući po prijavama tužilaštvo ih je rješilo na slijedeći način :

- neće se voditi pripremni postupak u 102 predmeta protiv 180 lica - od toga u 15 predmeta protiv 61 lica iz razloga što su djeca ispod 14 godina koja su krivično neodgovorna ,
- stavljeno zahtjeva za pokretanje pripremnog postupka u 280 predmetu protiv 400 lica,
- prijave nerješene u 84 predmeta protiv 165 lica

U 2008 godini u radu je bilo zahtjeva za pripremnne postupke u 545 predmeta 832 lica, što znači da je došlo do povećanja broja predmeta za 25,28 % ,a u odnosu na broj lica 21,45 U ovom broju sadržano je i 265 predmeta protiv 432 lica ranijeg perioda, a u izvještajnom periodu bilo je 280 pripremnih postupaka protiv 400 lica.

Zahtjevi za pripremni postupak rješeni su na slijedeći način .

- prijedloga za obustavu u 21 predmeta protiv 21 lica
- prijedlog za izricanje vanzavodske mjere u 45 predmeta protiv 69 lica,
- prekida pripremnog postupka nije bilo,
- pripremni postupak nerješen na sudu 415 predmeta protiv 635 lica

- sudovi izrekli vanzavodsku mjeru u 28 predmeta protiv 48 lica
U ukupnoj strukturi kriminaliteta maloljetnici učestvuju sa 12,13% po predmetima odnosno 13,53 % po licima

1.7. KTN-kriminalitet nepoznatih izvršilaca

U izvještajnom periodu (2008 g) u Tužilaštvu je zaprimljeno 4743 predmeta ,a u 2007 godini je zaprimljeno 4124 KTN predmeta ,a iz ranijeg perioda prenešeno je 922 predmeta, što znači da je ukupno u radu bilo je **5665 predmeta, a** u u 2007 **5394**.

U izvještajnom periodu je riješeno 4441 a u 2007 4547 predmeta , što znači da je riješeno više KTN predmeta za 10,23 % -911 predmeta riješeno prenošenjem u KT upisnik, 3530 lica su riješena na drugi način- stavljenjem u evidenciju tužilaštva do otkrivanja, a u Tužilaštvu je ostalo neriješeno 1224 predmeta .

U strukturi krivičnih djela protiv nepoznatih izvršilaca najveći broj zauzimaju krivična djela protiv imovine iz glave XXV (krađa,teška krađa) Broj nepoznatih izvršilaca krivičnih djela je odraz neotkrivenosti istih i organi koji rade na otkrivanju moraju uložiti više napora kako bi se nepoznati izvršioци krivičnih djela otkrili.

1.8. KTA PREDMETI

U Tužilaštvu predmeti označeni kao KTA su predmeti u koje spadaju razna istraživanja povodom saznanja,odnosno indicija o eventualnim izvršenim krivičnim djelima.

U izvještajnom periodu tužilaštvo je zaprimilo 4058, a u 2007 godini 3354 KTA predmeta, što znači da je došlo do povećanja zaprimljenih KTA predmeta za 14,40%

Iz ranijeg perioda prenešeno je **2900** predmeta što znači da je ukupno u radu bilo **6958** predmeta , a u 2007 ukupno je bilo u radu 5621 KTA predmet .

U 2008 godini riješeno je **3054** predmeta ,od toga 1466 KTA predmeta je riješeno prenošenjem u KT upisnik (upisnik za punoljetne učinioce krivičnih djela) , a **1588** predmet je riješen odlukom tužioca da se neće narediti provođenje istrage ili na drugi način .

Na kraju 2008 godine ostalo je neriješeno 3904 KTA predmeta. KTA predmeti često iziskuju dataljnu obradu i analizu i za takav rad potreban je značajan utrošak vremena.

1.8.1.Rješavanje starih predmeta

Rješavanje starih predmeta je prioritet u radu Kantonalnog tužilaštva Tuzlanskog kantona . U toku 2008 godine u 4 predmeta je nastupila apsolutna zastarjelost krivičnog gonjenja prije podizanja optužnice, a ni u jednom predmetu nije nastupila relativna zastarjelost krivičnog gonjenja U sva 4 predmeta razlog zastare je nedostupnost osumnjičenih koji se nalaze u inostranstvu na nepoznatoj adresi , a bez čijeg ispitivanja se istraga ne može okončati . Inače Tužilaštvo preduzima sve potrebne mjere u cilju pronalaska osumnjičenog ,te ukoliko su se stekli uslovi predlaže se određivanje pritvora i raspisivanje potjernice , a ukoliko se nisu stekli uslovi putem policije periodično se provjerava da li su se osumnjičeni vratili u mjesto prebivališta odnosno boravišta. U Tužilaštvu postoji znatan broj ovakvih predmeta u kojima se istraga ne može okončati zbog činjenice što osumnjičeni nije ispitan, a nalazi se u inostranstvu na nepoznatoj adresi .

1.9.Ostale aktivnosti

Pored izvršavanja osnovnih zadataka otkrivanja i gonjenja počinitelja krivičnih djela tužilaštvo je uzelo učešća i u svim drugim aktivnostima vezanim za borbu protiv svih vidova kriminala i preventivno djelovanje na zaštiti od istih.

Tužioci Kantonalnog tužilaštva Tuzlanskog kantona su učestvovali na brojnim seminarima: trgovina ljudima, istraživanje i procesuiranje ratnih zločina ,zločina protiv čovječnosti i genocida, alternativni način rješenja sporova, procesuiranje maloljetnika,intelektualna svojina,aktuelna pitanja primjene krivičnog zakonodavstva, Zakon o krivičnom postupku FBiH sa posebnim osvrtom na posebne istražne radnje, sudska etika,upravljanje predmetima ,nasilje u porodici, mobing , a koji su održani u organizaciji Centra za edukaciju FBiH, File-Program USAID, razne Fondacija, Vijeće Evrope i.t.d. Dva tužioca iz Kantonalnog tužilaštva TK su učestvovali u svojstvu edukatora.

Pored naprijed navedenog ,a vezano kako za konkretne predmete tako i za utvrđivanje i dogovaranje strategije o zajedničkom radu na planu suzbijanja svih vidova kriminala, te otkrivanju i gonjenju počinitelja krivičnih djela,Tužilaštvo je ostvarivalo kontakte i održavalo sastanke sa predstavnicima OHR-a, OESC-a Institut za nestale osobe, Federalnim MUP-om, MUP-om TK i drugim organizacijama i institucijama i Agencijama za provođenje Zakona

Radi unapređenja saradnje Tužilaštva s drugim Agencijama za provođenje zakona potrebno je raditi na daljoj edukaciji policijskih istražitelja i inspektora,te njihovom međusobnom uvezivanju ,pri čemu će tužioci dati značajan doprinos, omogućiti rad u timovima od najmanje dva tužioca u složenim predmetima i intenzivirati saradnju sa poreskim i finansijskim inspekcijama, koje podnose najveći broj prijava iz oblasti korupcije i privrednog kriminala .

1.9.1. Odjel za odnose s javnošću

Odjel za odnose s javnošću Kantonalnog tužilaštva TK je kroz upisnik zaprimio **A – I – 243** zahtjeva novinara iz pisanih i elektronskih medija.

Od toga je **20 zahtjeva** na osnovu primjene Zakona o slobodi pristupa informacijama. Novinari su se obraćali sa **pitanjima u 90** slučajeva i svima su dati odgovori u pisanoj formi, putem e-maila, telefona ili kao tv i radijska izjava. Tužilaštvo je dobilo 14 poziva za gostovanja u radijskim i tv emisijama (najčešće u emisijama „60 minuta“ FTV; „Neriješen slučajevi“ TV BH: „Dosije X“ TV Hayat, kao i „Govorimo otvoreno „ RTVTK, TV Tuzla ...) Dva puta predstavnik Tužilaštva nije mogao učestvovati u emisiji zbog ranije dogovorenih obaveza. Također su tužioci i glasnogovornica pozivani 7 puta da sudjeluju na okruglim stolovima i seminarima, od čega nisu realizirana dva poziva. Odjel se 13 puta oglasio saopćenjima za javnost. Organizirane su tri konferencije za novinare i četiri brifinga sa domaćim i inostranim novinarima u uredu Tužiteljstva i na lokalitetima gdje je vršena ekshumacija, koju su snimali i inostrani mediji (TV iz Grčke i Japana, AP,TV Nova, HRT, DW, RFE, Reuters, itd...). Tokom procesa ekshumacija, glasnogovornica je svim medijima slala dnevne informacije. Na osnovu te saradnje (arhiva i fotodokumentacije Odjela) španjolska TV ekipa je snimila dokumentarni film o

žrtvama rata i ekshumacijama, u režiji Monice Lleo „Na kraju tunela“ koji je prikazan na Sarajevskom filmskom festivalu 2008.godine.

Odjel svakodnevno daje informacije vezane za dnevne događaje koji su interesantni javnosti.

Na upite novinara obavještavamo o stanju predmeta i odlukama koje tužiocu donose na osnovu podataka iz pisarnice što predstavlja teškoću obzirom da se podaci ne vode u elektronskoj formi nego ručno.

Odjel uređuje Internet stranicu i vrši snimanje za foto-dokumentaciju, kako bi doprinjeli boljoj informisanosti koja na ovaj način postaje globalna.

U pogledu medijske strategije u komunikaciji sa predstavnicima medija, Odjel je definira Smjernice, Protokol i Obavezno upustvo glavnog kantonalnog tužioca o postupanju tužilaca u davanju informacija medijima .

Osim sa predstavnicima medija, Odjel komunicira i sa predstavnicima nevladinih organizacija (Udruženja nestalih, porodicama stradalih u ratu; Fond za humanitarno pravo; Amika..) i građanima, te pruža informacije đacima osnovnih i srednjih škola, kao i studentima u izradi njihovih radova (porto-folije, diplomski rad...).

Mediji sa kojima je Odjel svakodnevno i kontinuirano u dvosmjernoj komunikaciji su: TV TK, TVT, Radio iTV Bosne i Hercegovine, Radio i TV Federacije, TV Hayat, Radio Tuzla, Radio Soli, Radio i TV Slon, Radio Kameleon, Vesta radio, BM Radio, BN TV, RTVRS, novinske agencije Fena, Onasa i Srna, Dnevni avaz, Oslobođenje, Nezavisne novine, Večernji list, San, Fokus, Dnevni list, te sedmičnici Start, Dani, Slobodna Bosna i ostali.

1.10.PRIJEDLOZI MJERA I AKTIVNOSTI U CILJU STVARANJA PREDPOSTAVKI I USLOVA ZA EFIKASNJE VRŠENJE TUŽILAČKE DUŽNOSTI

Imajući u vidu navedene podatke i zapažanja smatramo da je, u cilju efikasnijeg rada Tužilaštva, neophodno preduzeti slijedeće mjere i aktivnosti :

1. Kontinuirano vršiti edukaciju i specijalizaciju tužilaca,kako u primjeni krivičnog zakonodavstva Federacije Bosne i Hercegovine,tako i u primjeni međunarodnog prava i primjeni drugih propisa,
2. Stvoriti materijalne, tehničke i kadrovske uslove koji bi osigurali nesmetan i efikasan rad Tužilaštva. To bi trebalo podrazmjevati osiguranje uslovnih radnih prostora i opreme i uspostavljanje informacijskog sistema na nivou BiH na čemu se intezivno radi uz svestranu podršku Visokog sudskog i tužilačkog vijeća BIH.
3. Insistirati na stalnoj edukaciji ovlaštenih službenih lica na provođenju zakona u cilju kvalitetnijeg prikupljanja dokaza ,te unapređivati saradnju među svim Agencijama za provođenje zakona , te će se tužoci dodatno angažovati na edukaciji ovlaštenih službenih lica ,
4. Od Vlade i Parlamentarne skupštine BiH insistirati i dalje na osnivanju vaspitne ustanove otvorenog tipa i vaspitno popravnog doma poluotvorenog tipa
5. Razvijati saradnju sa izvršnim i zakonodavnim organima vlasti , posebno u smislu informiranja tih organa o provođenju Zakona FBiH,

6. Razvijati saradnju sa međunarodnim organizacijama prisutnim u Federaciji Bosne i Hercegovine kao što su, Vijeće Evrope, EUPM, i.t.d.
7. Tužilašta su dio sudske vlasti i insistirati na tome da budu ustavno definisana
8. Insistirati na donošenju jedinstvenog Zakon o Tužilaštvima u FBiH
9. Održavati redovne radne dogovore sa Agencijama za provođenje zakona
10. Intenzivirati predlaganje izmjena Zakona i drugih propisa
11. Intenzivirati saradnju sa ostalim tužilaštvima u BiH radi razmjene iskustava
12. Insistirati na donošenju jedinstvenog sudskog i tužilačkog budžeta na nivou FBiH , kako bi se pojačala nezavisnost i samostalnost sudija i tužilaca
13. Uspostaviti funkcionalne veze unutar tužilačke organizacije i precizirati odnos subordinacije i hijerarhije ,
14. Popuniti broj stručnih savjetnika , na koje prenijeti određena ovlašćenja tužilaca,
15. Nastaviti dobru saradnju između tužilaštva i medija s tim da se moraju izbjeći situacije da se neobjektivnim medijskim izvještavanjem stvara pogrešna slika i tako ugrožava ostvarenje društvene uloge Tužilaštva ili da neopravdanim uskraćivanjem informacija javnost ostane uskraćena za blagovremenu, objektivnu i tačnu informaciju .
16. Nastaviti aktivnosti na odobravanju kapitalnih izdataka za izgradnju poslovnog objekta Kantonalnog tužilaštva Tuzlanskog kantona Tuzla.
17. Odlučnije prići donošenju odluka o svim prijavljenim slučajevima ratnog zločina i u slučajevima nepostojanja osnova sumnje odbaciti prijave ,te jačati kapacitete za procesuiranje krivičnih djela ratnog zločina,
18. Intenzivirati rad na gonjenju počinitelja koruptivskih krivičnih djela ,te tražiti izmjeni materijalnih propisa u cilju potpune implementacije obaveza iz ratifikovanih međunarodnih konvencija o korupciji i transnacionalnom kriminalu ,te nastaviti aktivnosti na formiranju instituta za vještačenja

Što se tiče ocjene primjene uspostavljenih Zakonskih rješenja ,a posmatrano u odnosu na poštivanje utvrđenih zakonskih rokova, možemo reći da se ti rokovi poštuju. U većini predmeta istraga se završi u roku od 6 mjeseci osim u obimnim i složenim predmetima, naročito za krivična djela ratnog zločina i predmetima korupcije i privrednog kriminala . Ukoliko istraga traje duže od 6 mjeseci Kolegij tužilaca preduzima mjere da se predmet brže završi.

U odnosu na primjenu novih zakonskih rješenja, tužioci Kantonalnog tužilaštva Tuzlanskog kantona Tuzla su savladali ulogu ranijeg istražnog sudije i sa tim nema problema, kao ni sa novim krivičnim postupkom na glavnom pretresu .

Što se tiče primjene novog institute kao što je sporazum odnosno pregovaranje o krivnji i zaključivanje sporazuma o tome, možemo konstatovati da u primjeni ovog instituta prilazimo jako oprezno iako smo svjesni da je ovo moćno sredstvo za efikasnost postupka . U budućnosti predviđamo da će doći do povećanja primjene ovog instituta i time bržeg rješavanja krivičnog postupka.

Pojavljuju se problemi kod primjene instituta posebnih istražnih radnji ,iz razloga zakonskog rješenja da se posebne istražne radnje mogu odrediti za krivična djela za koja se može izreći kazna zatvora najmanje 3 godine.

Bez primjene posebnih istražnih radnji vrlo teško je dokazivati krivična djela zloupotrebe droge, prostitucije, davanje i primanje dara ,ucjene i slično ,te što Agencije za provođenje zakona

ne raspoložu tehničkim i kadrovskim potencijalom za obavljanje ovih radnji i što u primjeni posebnih istražnih radnji tužioci nemaju dovoljno iskustva. Da bi se prevazišli navedeni problemi u narednom periodu moraće se djelovati na način kako bi primjena ovih posebnih istražnih radnji došla do izražaja, a to je naročito važno za rješavanje i otkrivanje počinitelaca težih krivičnih djela.

U pogledu generalne ocjene u ovom tužilaštvu vlada mišljenje da je novi krivično-procesni sistem i inače krivično zakonodavstvo dovelo do ocjene da pravda postaje efikasna, dostupna i jednaka za sve.

**GLAVNI KANTONALNI TUŽILAC
ŠESENAM ĆOSIĆ**

